

本草集要

本草集要中部卷之五

菜部

冬葵子

臣

味甘氣寒性滑利無毒

黃芩為使是秋種葵覆養

經冬至春  
作子者

主五臟六腑寒熱羸瘦五癰利小便療婦人  
乳難下乳汁久服堅骨長肌肉輕身延年難  
產取一二合杵破水煮服之癰瘡未潰者水  
吞三五粒便作頭膿出○根主惡瘡療淋利  
小便服卅石人宜之

蜀葵

味甘氣寒陰中之陽無毒

根並並入藥  
根花俱陰乾

主客熱利小便治惡瘡及帶下散膿血惡汁  
煮食主丹石發熱結○葉燒爲末傳金瘡搗  
碎傳火瘡灸熨與小兒食治熱毒下痢及大  
小丹痢搗汁服亦可○花治淋澁水腫催生  
落胎并一切瘡疥小兒風癰子花有五色赤  
者治赤帶白者治白帶空心酒調末二錢七  
赤治血躁白治氣躁又白者療痲瘡

黃蜀葵花

與蜀葵別種春生苗葉尖狹多  
缺夏末開淡黃花採之晒乾

治小便淋及催生又瘡家要藥主諸惡瘡膿  
水久不差者作末傳之愈○子催生臨產時

取四十九粒或二三錢炒研爲末溫水調服

萊菔根

俗名蘿蔔

味辛甘氣溫平無毒

忌與地黃何首烏同食

白髮

大下氣消穀去痰癖主欬嗽解麪毒生擣汁  
服主消渴治肺痿能止血消血衍義云散氣  
用生薑下氣用萊菔○子治喘嗽下氣消食  
水研服吐風痰醋研塗消腫毒

蕪青

味苦氣溫無毒

主利五臟輕身益氣消食可長食之令人肥  
健諸菜之中最有益者昔諸葛亮所止令兵

士獨種此爲其有六利今三蜀江陵人呼爲  
諸葛菜○根主消渴傳熱毒風腫○子主明  
目

芥 味辛氣溫無毒

歸鼻主除腎邪氣利九竅明耳目安中久食  
溫中又云多食動氣○子治風腫毒及麻痺  
醋研傳之撲損瘀血腰痛腎冷和生薑研微  
暖塗貼之心痛酒醋服

白芥 味辛氣溫無毒

主冷氣○子主傳射上及疰氣上氣發汗胃

膈痰冷面黃丹溪云痰在皮裏膜外非此不能達又遊腫諸毒為末猪膽和如泥傳之日三易

莧實

味甘氣寒無毒

忌與鼈同食以鼈細剉和莧置溫處則變為生

鼈

主青盲白翳明目除邪利大小便去寒熱殺蛇蟲久服益氣力不飢輕身

馬齒莧

味酸氣寒性滑無毒

用葉小者節葉間有水銀入藥

去莖節

主目盲白翳利大小便止赤白下去寒熱殺

諸蟲止渴破癥結癰瘡服之長年不白和梳  
垢封丁腫又燒爲灰和多年醋滓先炙丁腫  
以封之即根出又傳豌豆瘡良生搗絞汁服  
當利下惡物去白蟲亦治痔痢又主三十六  
種風結瘡以一釜煮澄清內蠟三兩重煎成  
膏塗之又塗白禿濕癬傳杖瘡又療多年惡  
瘡○子明目主清盲白翳杵爲末每一匙煮  
葱豉粥和攪食之

苦苣

味苦氣平

不可同血  
食作痔疾

除面目及舌下黃折取莖中白汁傳丁腫出

根又滴癰上立潰碎莖葉傳蛇咬根主赤白  
痢及骨蒸並煮服之

薺 味甘氣溫無毒

主利肝氣和中○其實名薪箕子主明目目  
暴赤痛去障翳根汁點目中亦效根葉燒灰  
治赤白痢

瓜蒂

使甜瓜也

味苦氣寒有毒

七月七日採陰乾去瓜皮用蒂約半

許寸

主大水身面四肢浮腫下水殺蠱毒欬逆上  
氣風癰喉風痰涎暴塞及食諸果病在胃腹



中皆吐下之去鼻中息肉爲末羊脂和少許  
傳之日三療黃疸及暴急黃和小豈丁香爲  
末吹鼻中少時黃水出亦可服方寸匕胃弱  
及病後產後勿輕用諸亡血諸虛家不可用  
○花主心痛欬逆

苦瓠 味苦氣寒有毒

主大水面目四肢浮腫下水令人吐

茄子根及枯莖葉

主凍腳瘡煮湯漬之

水蘄片菜也 味甘氣平寒無毒

主女子赤沃止血養精保血脉益氣令人肥  
健嗜食治煩渴三月八月龍帶精入芥菜中  
人過食之病蛟龍癰發則似癰面青小腹  
滿痛狀如懷妊服硬糖三二升日二度吐出  
如蜥蜴

繁萋

即雞腸草

味酸氣平無毒

五月五日  
中取乾用

主積年惡瘡不愈有神效又主破血宜產婦  
口齒方燒灰或作末揩齒宣露治瘰癧取滿兩  
手握水煮服

胡葵

味辛氣溫微毒

子入藥  
炒用

主消穀利大小腸通小腹氣通心竅久食損  
人精神令人多忘發腋臭脚氣主小兒禿瘡  
油煎傅之亦主蠱五痔及食肉中毒下血瘡  
冷取汁服

小兒豆疹不出欲令速出

用胡荽二三兩切酒二大盞煎

令沸沃之便以物合定不令洩氣候冷去滓微微從項以下噴一身令遍除面不噴

藜蘆實

使

味辛氣溫無毒

主明目溫中耐風寒下水氣面目浮腫癰瘍  
瘰癧歸鼻除腎氣○葉歸舌除大小腸氣利  
中霍亂轉筋多取者火湯及熱捋脚又搗傅小

兒頭瘡○馬蓼去腸中蛭蟲○水蓼搗傅蛇咬又煮漬脚捋之消脚氣腫脚痛成瘡頻淋洗之

葱實

味辛氣溫無毒

葱忌與蜜同食

主明目補中不足○其莖葱白入手太陰經足陽明經可作湯主傷寒寒熱出汗中風面目腫喉痺不通安胎歸目除肝邪氣利五臟殺百藥毒通大小腸霍亂轉筋及賁豚氣脚氣心腹痛及心迷悶連根用主傷寒頭痛如破又莖葉用鹽研罾蛇蟲傷并金瘡水入軟

腫痛治蚯蚓毒大抵發散為功多食昏人神

韭

味辛微酸氣溫性急無毒

忌與蜜同食其子入藥炒用

歸心安五臟除胃中熱充肝氣利病人可久  
食○韭汁生研冬月用根細飲之下膈間瘀  
血甚效又中風失音心脾痛上氣鳴息胃膈  
氣結滯及中惡腹脹俱搗飲之小兒初生噓  
之即吐惡血令無病狂犬咬蛇虺蟲毒并惡  
瘡搗傳之多食昏人目○未出糞土為韭黃  
滯氣不宜食○花食之動風○子主夢泄精  
滑溺白甚良

薤

味辛苦氣溫入手陽明經無毒

取白良白  
冷青熱忌

與牛肉  
同食

主金瘡瘡敗諸瘡中風寒水腫生搗熱塗之  
與蜜同搗塗湯火瘡甚效宜心歸骨菜芝也  
輕身不飢耐老除寒熱去水氣溫中散結利  
病人止久痢冷瀉同黃栢煮食斷赤痢霍亂  
乾嘔煮汁服之胃膈卒痛肺氣喘急俱搗生  
汁細飲之

葫

大蒜也

味辛氣溫屬火有毒

獨子者入藥佳  
五月五日採

主散癰腫蠱瘡除風邪殺毒氣建胃善化肉

破冷氣爛疰癖辟溫疫氣瘴氣蠱毒蛇蟲溪  
毒治中暑毒霍亂轉筋腹痛爛嚼溫水送之  
又鼻衄不止爛搗塗腹心止即拭去醋浸之  
經年者良此物氣極暈者煮爲羹臙極俊美熏  
氣亦微下氣溫中消穀生食久食傷肝氣損  
目明又傷肺傷脾引痰宜戒之

癰疽癰背惡瘡腫核初癰取紫皮獨頭蒜  
橫切作片子厚一分貼腫頭中心炷艾如  
梧桐子灸蒜上勿令大熱若覺痛即擎起  
蒜蒜焦更用新者如已痛者灸至不痛不

痛者灸至痛以多爲善無不效者疣贅之類亦依此灸

小蒜 味辛氣溫有小毒

歸脾腎主霍亂腹中不安消穀理胃溫中除邪痺毒氣華陀用蒜虢吐人惡物云是此又云是大蒜

假蘇

荊芥也

味辛苦氣溫

取花實成穗者曝乾用

主寒熱鼠瘻癰癰生瘡破結聚氣下瘀血除濕痺辟邪氣通利血脉傳送五臟能發汗動渴除冷風治頭風眩運婦人血風等爲要藥



治產後血暈搗末童便調熱服二錢七如神  
口噤者桃齒灌之或灌鼻中產後中風身強  
直取末酒和服又杵末醋和封風毒丁腫

紫蘇

味辛甘氣溫

主下氣除寒中解肌發表治心腹脹滿開胃  
下食止脚氣通大小腸煮汁飲之治蠱毒○  
子尤良主肺氣喘急欬逆潤心肺消痰氣腰  
脚中濕風結氣調中下氣止霍亂嘔吐反胃  
利大小便破癥結消五膈

水蘇

一名鷄蘇

味辛氣微溫無毒

七月採

主吐血衄血血崩血痢產後中風下氣辟口  
臭去毒辟惡氣久服通神明輕身耐老

香薷 味辛氣微溫無毒

主霍亂腹痛吐下治霍亂不可缺也下氣除  
煩熱調中溫胃治傷暑利小便散水腫治水  
甚捷有徹上徹下之功肺得之則清化行而  
熱自下又治口氣甚捷蓋口臭是脾有鬱火  
溢入肺中失其清和甘美之意而濁氣上干  
故也

薄荷

使

味辛苦氣涼溫無毒入手太陰經厥陰

經

主賊風傷寒發汗通利關節傷風頭腦風及  
小兒風涎驚風壯熱及上行之藥能引諸藥  
入榮衛又主風氣壅併下氣消宿食惡氣心  
腹脹滿霍亂骨蒸勞熱用其汁與衆藥熬爲  
膏新大病瘥人勿食令虛汗不止猫食之即  
醉

果部

藕實

蓮子也

味甘氣平寒無毒

主補中養神益氣力除百疾安心止渴止痢

治腰痛泄精久服輕身耐老不飢延年多食  
令人喜○藕甘寒主熱毒口渴煩悶解酒毒  
消瘀血破產後血悶搗罾金瘡熱傷散血止  
痛生肌蒸炙食開胃補五臟○節搗汁主吐  
血衄血不止○荷鼻即荷葉蒂味苦主安胎去惡  
血留好血血痢煮服之荷葉及房皆破血胎  
衣不下酒煮服之○蓮花忌地黄蒜鎮心輕  
身益色駐顏

鷄頭實 味甘氣平無毒

主濕痺腰脊膝痛補中除暴疾益精氣強志

女  
可用

令耳目聰明久服輕身不饑耐老神仙

覆盆子

臣味甘氣平微熱無毒

五月採

主益氣輕身令髮不白又主男子腎虛精竭  
陰痿女子食之有子

山查子

消食行結氣建胃消食積痰益小兒又催瘡  
痛消滯血治婦人兒枕痛濃煎汁入砂糖服  
立效

橘皮

臣

味辛苦氣溫味厚陰也無毒

陳久  
者良

主胃中瘕熱逆氣利水穀除膈間痰熱導滯

氣止嘔欬吐逆霍亂洩瀉久服去臭下氣通  
神云白理肺氣降痰留白理脾胃消食○青  
橘葉導胃脇逆氣行肝氣乳腫痛及脇癰藥  
中用之以行經○橘核治腰痛膀胱氣痛腎  
冷炒去殼研酒調服○青皮味苦辛氣寒足  
厥陰經引經藥入手少陽經主氣滯消食破  
積結膈氣治小腹痛須用之瀉肝氣治脇痛  
須醋炒用勿多服損人真氣陳皮治高青皮  
治低

大棗 味甘氣平溫氣厚陽也無毒

殺烏頭毒  
不宜合生

慈食入藥  
用勞去核

主心腹邪氣安中養脾助十二經平胃氣通  
九竅補少氣少津液身中不足大驚四肢重  
和百藥久服輕身長年中滿者勿食牙齒有  
病人忌啖之

栗 味鹹氣寒無毒

主益氣厚腸胃令人耐饑灰火中煨令汗出  
食之勿多食滯氣隔食若袋盛懸微乾生食  
補腎氣治腰脚無力生嚼罾可出箭頭惡刺  
并傳療癰腫毒小兒甘瘡患風水氣人不宜

食以鹹故也○穀煮汁飲之止反胃消渴

柿

味甘氣寒屬陰無毒

不可與蟹同食令腹痛

主通耳鼻氣腸澀不足厚腸胃澀中建胃氣

消宿血

梅實

烏梅也

味酸氣平陽也無毒

火燻乾之為烏梅曝乾密器藏

之為白梅去核用

主下氣除熱煩滿收肺氣安心肢體痛偏枯

不仁死肌去青黑誌惡疾止下痢澀腸止洩

消酒毒好睡口乾去痰治瘡瘴傷寒煩熱及

霍亂噪渴虛勞骨蒸入建茶乾薑為丸治休



息痢大驗燒灰杵末傳一切惡瘡肉出惡肉  
立盡○白梅研傳刀箭止血刺在肉中嚼封  
之即出乳癰腫毒杵爛貼之亦和藥點誌食  
惡肉多食損齒傷骨○葉煮濃汁服之止休  
息痢

桃核仁使味苦甘氣平苦重於甘陰中陽也無

毒入手足厥陰經取仁陰乾湯浸去皮尖研如泥用

主瘀血血閉血結血燥癥瘕邪氣殺小蟲通  
潤大便除卒暴擊血通月水止痛苦以破滯  
血其以生新血○花味苦三月三日殺疰惡

鬼令人好顏色除水腫石淋利大小便下三

蟲酒漬服之除百病○桃梟味苦氣微溫性

上自乾不落實中者正月採之用主殺百鬼精物五毒不祥

中惡腹痛破血有人吐血諸藥不效取此燒

灰存性米湯調服立愈○桃蠹食桃樹蟲也殺鬼

邪惡不祥○葉味苦辛主除尸蟲出瘡中蟲

○桃膠下石淋破血中惡鍊之主保中不飢

輕身○桃符主精魅邪氣煮汁飲之桃者五

木之精今人作符着門上厭邪氣鬼所畏也

杏核仁 味其苦氣溫有小毒入手太陰經得火

良惡黃芩黃芪葛根解錫毒湯浸去  
皮尖熬令黃去兩仁者殺人可毒狗

主欬逆上氣雷鳴喉痺下氣定喘潤心肺散  
肺經風寒咳嗽消心下急滿痛散結潤燥產  
乳金瘡寒心賁豚燒令煙未盡研如泥物裹  
納女子陰中治蟲蛆

丹溪云性熱因寒者可用東垣云杏仁下  
喘治氣也桃仁療狂治血也俱治大便燥  
但有血氣之分晝則便難行陽氣也夜則  
便難行陰血也年高人便秘不可泄者脉  
浮在氣杏仁陳皮脉沉在血薤仁陳皮陳

皮入肺與大腸為表裏故用為使

荔枝子核

慢火燒存性為末酒調服治心痛及小腸氣

木底實

味酸氣溫無毒入手足太陰經

鐵

凡用勿犯

主脚氣水腫濕痺邪氣霍亂吐下轉筋不止  
治冷熱痢心腹痛止渴降痰唾此物入肝故  
益筋與血腰腎脚膝無力不可缺也

安石榴

味甘酸無毒

凡使皮根勿犯鐵漿水浸一宿用

主咽燥渴多食損人肺榴者留也性滯戀腸

成痰酸實皮澁腸止下痢止漏精東行根療  
虬蟲寸白○花百葉者主心熱吐血及衄血  
乾之作末吹鼻中立差金瘡刀斧傷破血流  
和石灰搗末傳上

梨 味甘微酸氣寒

除客熱心煩肺熱咳嗽消渴梨者利也流利  
下行之謂也酒病煩渴人宜之勿多食令人  
寒中金瘡乳婦尤不可食

胡桃

味甘氣溫無毒

食之令人肥健潤黑髮補下元亦用之不可

多食動風生痰助腎火取肉燒令黑未斷烟  
和松脂研傳療癰瘡又和胡粉爲泥拔白鬚  
髮以內孔中其毛皆黑

榛子 味甘氣平無毒

主益氣力寬腸胃令人不饑健行

枇杷葉

使

味苦氣平無毒

火炙布拭去毛用

主卒嘔哕不止不欲食下氣治肺熱久嗽并  
渴疾

沙糖 味甘氣寒無毒

主心肺大腸熱和中助脾小兒多食損齒發

疳蠱生蛻蟲甘生濕濕生火也與鯽魚同食  
成疳蟲葵菜同食生流癖與筍同食筍不消  
成癥

穀部

胡麻

一名巨勝即胡地黑脂麻  
八穀之中惟此為勝故名

味甘氣平無毒

主傷中虛羸補五內益氣力長肌肉填髓腦  
堅筋骨久服輕身不老明耳目耐飢渴寒暑  
生者磨瘡腫生禿髮療金瘡止痛嚼塗小兒  
頭瘡及浸淫惡瘡婦人陰瘡○苗名青蘘味  
甘氣寒無毒主五臟邪氣風寒濕痺益氣補

腦髓堅筋骨久服耳目聰明不飢不老增壽  
杵汁沐頭髮良牛傷熱灌之愈

白油麻 味甘氣寒無毒生寒炒則熱

治虛勞滑腸胃行風氣通血脉潤肌膚又生  
嚼傳小兒頭上諸瘡良○其油性冷常食所  
用滑骨髓通大小腸治蛔心痛傳一切瘡疥  
癬殺一切蟲取油一合鷄子兩枚芒硝一兩  
攪服之少時即瀉治熱毒甚良又取油煎沸  
對和無灰酒溫服取微汗治癰疽發背腫毒  
甚效又治髮癥飲油一升多吐出蚰蜒入耳



以油作煎餅枕卧須臾自出陳者煮膏生肌  
長肉止痛消癰腫補皮裂有牙齒及脾胃疾  
人不可喫若煎煉食之與火無異戒之

麻黃

云是花又云即實又云花實黃是三物未詳

味辛氣平有毒

畏牡

精白微惡茯苓

主五勞七傷利五臟下血寒氣破積止痺散  
膿多食令見鬼狂走久服通神明輕身○麻

子使味甘氣平無毒入足太陰經手陽明經

九月採入土者損人用帛包沸湯中浸湯冷  
出之垂井中一夜勿著水次日曝乾新瓦上  
殺去主補中益氣中風汗出皮膚頑痺逐水

利小便潤大腸風熱結燥便難止消渴破積  
血復血脉催生治橫逆產及下乳產後餘疾  
長髮可爲沐藥久服肥健不老○花味苦微  
熱治惡風黑色遍身苦痒諸風惡血及女人  
經不通麋蟲爲使○根汁及煮服之主瘀血  
石淋產難帶下崩中不止根及葉搗汁飲一  
升主腕折骨痛搗打瘀血心腹滿非時煮乾  
麻汁服亦同

骨髓風毒疼痛不可運動

取麻仁一大升  
慢火炒香熱拌

令極細如粉分爲十貼取無灰酒一大湯  
碗入沙盆中用柳木槌子研麻粉旋攪取

白酒令粉盡即去餘後合酒一罇煎取  
一半待溫空腹頻服日一貼藥盡差

生大豆 使味甘內經云減氣平惡五參龍膽得前胡  
烏豕杏仁牡蠣良黑

者入藥小  
者尤佳

塗癰腫煮汁飲殺鬼毒止痛烏頭毒諸藥毒  
逐水脹除胃中熱痺傷中淋露下瘀血散五  
臟結積內寒久服令人身重炒為屑主胃中  
熱去腫除痺消穀止腹脹炒令黑烟未斷及  
熱投酒中主風痺癰緩口噤產後諸風虛熱  
血病○大豆黃卷以生豆為芽  
藥便曝乾味甘氣平主  
濕痺筋攣膝痛五臟胃氣結積益氣止毒○

豆豉味苦氣寒無毒

無鹽者佳

主傷寒頭痛寒熱

瘴氣惡毒煩燥滿悶虛勞喘吸心中懊懷用  
一升和葱白煮汁服治傷寒時疾發汗又兩  
脚疼冷浸酒服之暴痢腹痛及血痢和薤白  
煮汁服安胎取汁服惡瘡熬末傅之

赤小豆

使

味辛甘酸氣溫平陰中之陽無毒

主下水排癰腫膿血寒熱熱中消渴止洩利  
小便吐逆卒澀水和塗消散毒氣和鷄子白  
調塗熟毒取汁洗小兒急黃爛瘡和鯉魚爛  
煮食之治脚氣及大腹水腫久食令人虛○

花名腐婢味辛氣平無毒

十月採陰乾

主痰癰寒

熱邪氣洩痢陰不起止消渴酒病頭痛

白藟豆

味甘氣微溫

主和中下氣治霍亂吐痢不止殺一切草木  
及酒毒河豚毒○葉主霍亂又吐痢後轉筋  
生搗研以少酢浸汁服之亦傳蛇蟲咬○花  
主女子赤白下乾末米飲和服之

藟豆

味甘氣寒無毒皮寒肉平

用之勿去皮

主治消渴丹毒煩熱風癰藥石發動熱氣奔  
豚生研絞汁服亦煮食作枕明目治頭風

粟子粟 味甘氣平無毒

主反胃胃中痰滯及丹石發動不下食和竹  
瀝煮作粥食之極美○粟穀性澁止洩痢澁  
腸今人虛勞嗽者多用止嗽及濕熱泄痢者  
用止痢却病之功雖急殺人如劒戒之

粟米 味鹹氣微寒無毒

主養腎氣去胃脾中熱益氣陳者味苦主胃  
熱消渴利小便止痢

粳米 味甘苦氣平微寒無毒入手太陰少陰  
經

主益氣止煩渴止洩平和五臟補益胃氣其  
功莫及與熟鷄頭相合作粥食之益精強志  
耳目聰明

糯稻米 味苦甘氣溫無毒

主溫中令人多熱大便堅止霍亂取二合水  
研服之○稻稈治黃病通身煮汁服

陳廩米 味鹹酸氣溫無毒

主下氣除煩渴開胃氣止洩又蒸作餅和醋  
封毒腫惡瘡效

大麥 味鹹甘氣溫無毒蜜為使

主消渴除熱益氣調中○水漬之生芽為藥

使凡用炒  
杵去皮

補脾胃消化宿食破癥結冷氣止

心腹脹滿開胃止霍亂下氣消痰催生落胎  
亦行上焦滯血治產後秘結鼓脹不通胃氣  
虛人宜服以代戊己腐熟水穀又久食多食  
消腎戒之

小麥臣味甘鹹氣微寒無毒去皮則熱麪熱而

麪涼帶皮  
用

主除熱止燥渴咽乾利小便養肝氣暴淋煎  
湯飲之○浮者止盜汗治大人小兒骨蒸肌



熱婦人勞熱

神麴

味甘氣溫

六月作陳久者  
良入藥炒令香

調中下氣開胃化水穀消宿食主霍亂心膈  
氣痰逆破癥結去冷氣治赤白痢下水穀治  
小兒腹堅大如盤落胎下鬼胎六畜食米脹  
欲死者煮汁嚥之

酒

味苦甘辛氣大熱有毒

糯米麴造  
者入藥用

主殺百邪惡毒氣通血脉厚腸胃禦風寒霧  
氣養脾扶肝行藥勢能行諸經不止與附子  
同味辛者能散為導引可以通行一身之表

至極高之分味苦者能下甘者居中而緩淡者利小便○社酒祭社餘者噴屋四壁去蚊子內小兒口中令速語○糟罾撲損瘀血浸洗凍瘡傳蛇蜂毒

丹溪云酒濕中發熱近於相火性喜升大傷肺氣助火生痰變爲諸病戒之又云醇酒宜冷飲有三益焉先經肺分得溫中之寒以養肺次入胃中得寒中之溫以養脾冷酒行遲傳化以漸令人不得恣飲故云三益愚謂熱飲則發散傳化速而可多冷

飲則停凝而不能多故以不可多飲為益  
若好飲之人及被苦勸而過飲則不宜用  
冷也

醋

味酸氣溫無毒

米造者入藥陳者良

主消癰腫飲咽瘡散水氣殺邪毒治產後并  
傷損金瘡血暈下氣除煩破癥塊堅積婦人  
心痛血氣多食損齒損筋骨治口瘡以醋漬  
黃蘗皮含之愈

醬

味鹹酸氣冷利

以豆作陳久者良

主除熱止煩滿殺百藥熱瘡及火毒并治蛇

蟲蜂蠆等毒

飴糖

味甘氣微溫無毒入足太陰經

糯與粟米作者

佳餘不堪用

主補虛乏止渴消痰潤肺和脾胃魚骨硬喉中及誤吞錢鏰服之出中滿不宜用嘔吐家忌之仲景謂嘔家不可用建中湯以甘故也  
丹溪云大發濕中之熱

石部

丹砂

君

味甘氣微寒無毒又云有毒

惡磁石畏鹹木大塊

色光明者佳細研水飛用

主身體五臟百病養精神安魂魄益氣明目  
通血脉止煩渴涼心熱殺精魅邪惡鬼治瘡  
瘍疥癩久服通神明不老小兒初生細研蜜  
調塗口中令吮之良又豆瘡將出蜜調服之  
解豆毒令出少

此物鎮養心神但宜生使煉服則有毒少  
有不作疾者周禮以丹砂石膽雄黃礬石  
磁石爲五毒古人惟以攻創瘍

玉屑

味甘氣平無毒

惡鹿角

主除胃中熱喘息煩滿止渴屑如麻豆大服

之久服輕身長年

玉泉

衍義云泉字疑是漿字

味甘氣平無毒

畏款冬花

主五臟百病柔筋強骨安魂魄長肌肉益氣  
久服耐寒暑不飢渴不老神仙入臨死服五  
斤死三年屍不變

石鍾乳

味甘氣溫無毒

蛇床為之使惡牡丹玄石牡蒙畏紫石英

明白光潤輕鬆色如鍊消石者佳

主欬逆上氣明目益精安五臟通百節利九  
竅下乳汁療腳弱疼冷下焦傷竭久服延年  
益壽令人有子不鍊服之令人淋

丹溪云此慄悍之劑夫藥者氣之偏可用於暫而不可以石藥又偏之甚者自唐時膏梁之家惑於方土服食致長生之說以石藥體厚氣厚習以成俗受此氣悍之禍而不知哀哉

殷壁

石鍾乳根也

味辛氣溫無毒

惡防已畏木

主爛傷瘀血洩痢寒熱鼠瘻癰疽結氣○其

根又名孔公孽

味辛氣溫

木蘭為之使惡細辛忌羊血青

黃色主傷食不化邪結氣惡瘡疽痿痺男女陰

蝕瘡利九竅下乳汁

雲母君味甘氣平無毒

澤瀉為之使畏蛇甲及東流水惡徐長卿忌羊

毛二月採凡有五  
色惟黑者不任用

主身皮死肌中風寒熱如在車船上除邪氣  
安五臟益子精明目治赤白痢及帶下久服  
輕身延年耐寒暑傳金瘡并一切惡瘡良風  
瘰癧遍身百計不差煨粉清水調服之

陽起石

臣雲母  
根也

味鹹氣微溫無毒

桑螵蛸為之  
使惡澤瀉菌

桂雷丸蛇蛻石葵畏兔絲忌羊血形  
如狼牙色白明莖者佳水飛研用

主崩中漏下補不足破子臟中血癥瘕結氣  
寒熱腹痛無子陰痿不起莖頭寒陰下濕痒



臭汗男子婦人下部虛冷腎氣乏絕子臟久

寒

石膽

君膽礬也

味酸苦辛氣寒有毒

水英為之使畏桂芫花辛

夷白微出有銅處

主明目目痛金瘡鼠瘻惡瘡諸癰瘰女子陰

蝕痛石淋寒熱崩中下血諸邪毒氣鍊餌服

之不老增壽神仙能化鐵為銅

空青

君味甘酸氣寒無毒

畏兔絲子生用銅處銅精熏則生空青其

腹中空破之有漿者絕佳

主青盲耳聾明目療赤痛去膚腎止淚出利

九竅通血脉養精神益肝氣久服輕身延年  
不老能化銅鐵鉛錫作金腹中紫點眼為最  
要藥殼亦可摩腎

曾青

味酸小寒無毒

畏菟絲子與空青同山色亦相類但其形小

累連珠相綴甚難得

主目痛止淚出風痺利關節通九竅破癥堅  
積聚養肝膽療頭風爽神氣止煩渴補不足  
久服輕身不老能化金銅

扁青

即石綠

味甘氣平無毒

主目痛明目折跌癰腫金瘡不瘳破積聚解

毒氣及丈夫莖中百病益精令人有子

烏餘糧

君

味甘氣寒無毒

壯丹爲之使

主欬逆寒熱煩滿下赤白血閉癥瘕大熱鍊餌服之不飢輕身延年重氣以去怯餘糧之重爲鎮固之劑也

白石英

君

味甘辛氣微溫無毒

大如指長二三寸六面如削白

澈有光

主消渴陰痿不足欬逆胃膈間久寒益氣除風濕痺療肺痿肺癰吐膿下氣利小便久服輕身長年

紫石英

君味甘辛氣溫無毒入手少陰經足厥

陰經

長石為之使畏扁青附子不欲黃連麥  
句薑明澈如水精紫石連頭如樗蒲者

主心腹欬逆邪氣補不足女子風寒在子宮

十年無子療上氣寒熱邪氣結氣補心氣虛

定驚悸安魂魄填下焦久服溫中輕身延年

又散癰腫醋淬生薑米醋煎傳之

青石赤石黃石白石黑石脂等

味甘氣平無

毒

畏黃芩  
大黃

主黃疸洩痢腸癰膿血陰蝕下血赤白吐血

衄血邪氣癰腫疽痔惡瘡頭瘍疥癢久服補

髓安心澁精鎮五臟益氣肥健不飢輕身延

年五石脂各隨五色補五臟澁可以去脫石

脂為收斂之劑也○青石脂味甘酸主養肝

膽氣明目女子帶下百病○赤石脂味甘酸

辛氣溫惡松脂大黃畏羌花主養心氣明目益精療腹

痛洩痢下痢赤白小便利女子崩中漏下○

黃石脂味苦惡細辛畏黃連飛蟻主養脾氣調中大人

小兒洩痢下膿血去白蟲除黃疸○白石脂

味甘酸畏松脂主養肺氣厚腸胃療驚悸不

足心下煩腹痛洩痢便膿血○黑石脂味鹹

主養腎氣強陰治陰蝕瘡口瘡

礬石

使

味酸澁氣寒無毒一云有小毒

其草為之使惡

牡蠣畏麻黃入藥用白色光明者

主寒熱洩痢白沃陰蝕惡瘡瘰癧疥癬目痛  
堅骨齒齒痛去鼻中息肉除風消痰止渴治  
痰壅及心肺煩熱生含嚙津治急喉痺鍊餌  
之輕身不老增年性却水故治涎藥多用之

蛇蛟蝎螫

燒刀頭令赤置礬其上  
看成汁熱滴咬處立差

甲疽或

因割甲傷肌或甲長侵肉遂成瘡腫

火枯為末

著瘡中痛急即塗少酥

綠礬 味涼無毒

治喉痺蚰牙口瘡及惡瘡疥癬  
和服療腸風瀉血火煨赤醋淬過復煨如  
此三度細煨肉丸如菉豆大溫水下治小  
兒疳氣不可療

消石

君

味苦辛鹹氣寒有毒

朴硝再煎鍊上結芒硝其在下結

如石燒之成酸者是火為之使惡苦參苦菜曾青

主五臟積熱胃脹閉滌去畜結飲食推陳致  
新除邪氣傷寒腹中大熱煩滿消渴鍊之如  
膏久服輕身天地至神之物能化金石

芒硝

水煎朴硝傾木盆中  
結芒有麻稜者是

主五臟積聚久熱胃閉辛能潤燥鹹能軟堅  
破留血除痰實利大小便通月水破五淋椎  
陳致新

經云熱淫于內治以鹹寒佐以苦寒故用  
大黃芒硝相須為使

朴硝

君味苦辛鹹氣寒有毒  
畏麥句薑初採擇  
得一煎而成者是

主百病寒熱邪氣逐六腑積聚結固留癖破  
留血停痰痞滿大小便不通椎陳致新治天  
行熱疾消腫毒排膿軟堅能化七十二種石



鍊餌服之輕身神仙

丹溪云善消化驅逐以之治病致用病退則已鍊服補益豈理也哉○三硝本一物朴硝力緊芒硝次之硝石更緩

玄明粉

味辛甘氣寒

以朴硝鍊成者丹溪云以火煨而成性溫陰中

有陽之藥

治心熱煩燥并五臟宿滯癥結腸胃宿垢軟積開痰明日退膈上虛熱大除胃熱

食鹽

臣

味鹹氣寒無毒

漏蘆爲之使河東者爲勝

主殺鬼蠱邪疰毒氣下部匿瘡吐胃中痰癖

止心腹卒痛堅齒止齒縫出血中蚯蚓毒化  
湯中洗沃之又用接藥入腎多食傷肺喜欬  
又令人失色膚黑走血損筋病嗽及水者禁  
之

戎塩

味鹹氣寒無毒

西羌所出者是

主明目目痛益氣堅肌骨去毒蠱心腹痛溺  
血吐血齒舌血出去煩熱痰滿傳疥癬癰腫  
療癰

鹵鹹

味苦鹹氣寒無毒

主大熱消渴狂煩除邪及下蠱毒柔肌膚去

濕熱消痰磨積塊洗滌垢膩勿過服頓損人

太陰玄精 味鹹氣溫無毒色青白龜背者良

主除風冷邪氣濕痺益精氣婦人瘕冷漏下

心腹積聚冷氣

無名異 味甘氣平無毒狀如黑石炭爵之如鱗

主金瘡折傷肉損止痛生肌肉

滑石 味甘氣寒性沉重無毒入足陽明經石

為之使畏曹青白如凝脂軟滑者佳用須并草和之青黑色者不可用

主身熱洩痢女子乳難癰閉利小便通九竅

泄上氣滂胃中積聚寒熱益精氣久服輕身

耐老長年又燥濕實大腑化食毒行積滯逐  
疑血解燥渴補脾胃降妄火之要藥

石膏

臣

味辛甘氣微寒無毒入手大陰經少陽

經足陽明經

鷄子爲之使惡棒草巴豆畏鐵細理白澤者良

主中風寒熱心下逆氣驚喘口乾舌焦不能

息腹中堅痛產乳金瘡治中熱發熱惡熱燥

熱日晡潮熱傷寒時氣肌肉壯熱頭痛如裂

大渴引飲清金制火潤肺除三焦大熱瀉胃

火治胃熱不食又治胃熱能食善消以辛也

故能解肌出汗止行至頭以甘也故能緩脾

益氣止渴生津胃虛寒人不可服又揩齒益齒

凝水石

即寒水石

味辛甘氣寒無毒

畏地榆入藥須燒過此有二種

有縱理有橫理色清明者佳

主身熱時氣腹中積聚邪氣皮中如火燒煩滿五臟伏熱胃中熱止渴壓丹石毒解巴豆毒

理石

味辛甘氣寒無毒

滑石為之使惡麻黃如石膏順理而細

主身熱去來大熱結熱利胃解煩止渴益精明目破積聚去三蟲

長石

味辛苦氣寒無毒

理如馬齒方而潤澤  
玉色狀同石膏但厚

火縱理  
而長

主身熱胃中結氣四肢寒厥止消渴利小便  
通血脉明目去腎眇下三蟲殺蠱毒

雄黃

君

味苦甘辛氣平寒又云大溫有毒

武都山所

出赤如鷄冠明澈而不臭者  
佳可入服食藥餘但可療瘡

主寒熱鼠瘻惡瘡疽痔死肌疥虫蠹瘡鼻中

息肉及絕筋破骨百節中大風中惡蠱毒腹

痛殺精物惡鬼邪氣百虫毒勝五兵殺諸蛇

虺毒鍊食之輕身神仙佩之鬼神不能近入

山林虎狼伏涉川濟毒物不敢傷妊娠佩之

轉女爲男

雌黃

味辛甘氣平寒有毒

與雄黃同山生金精熏則生雌黃色

如金似雲母甲錯可析

主惡瘡頭禿疥殺毒虫蟲蜂蛇身癢邪氣

諸毒下部蠱瘡

石硫黃

君一云臣

味酸甘氣溫大熱有毒

主婦人陰蝕疽痔惡血及下部蠱瘡止血殺  
疥蟲堅筋骨除頭禿療心腹痃癖冷氣欬逆  
上氣脚冷疼弱壯陽道治下元虛冷元氣將

絕久患寒泄脾胃虛弱垂命欲盡服之皆效  
中病便已不可過劑至陽之精能化金銀銅  
鐵奇物

水銀

君

味辛氣寒性滑重有毒

畏磁石出於丹砂

主疹癩痂瘍白禿殺皮膚中蟲墮胎除熱以  
傳男子陰陰消無氣殺金銀銅錫毒鎔化還  
復為丹得鉛則凝得硫黃則結并棗肉研則  
散得紫河車則伏○輕粉味辛

忌一切血飛鍊水銀為之

主瘰癧殺瘡疥癬蟲及鼻上酒齧風瘡燥痒

靈砂

味甘氣溫無毒

惡磁石畏鹹水乃水銀硫黃鍊成者



主五臟百病養精神安魂魄益氣明目通血  
脉止煩滿殺精魅惡鬼氣

蜜陀僧 味鹹辛甘氣平有小毒

主久痢五疔金瘡口瘡面上癰疔面膏藥用  
之

金屑

金箔同

味辛氣平有毒

畏水銀用宜鍊熟生者殺人

主鎮精神安魂魄堅骨髓通利五臟小兒驚  
傷風癰失志

銀屑

銀箔同

味辛氣平有毒

用鍊熟者

主安五臟定心神止驚悸除邪氣小兒癰疾

狂走

珊瑚

味甘氣平無毒

似王紅潤  
由色者佳

主宿血鼻衄末吹鼻中鎮心止驚明目去目  
中翳

硃砂

使

味鹹苦辛氣溫有毒

畏漿水忌羊血形  
如牙消光淨者良

用之形澄去土石入磁  
器中重湯煮不宜生用

主積聚瘰癧破結血爛胎止痛下氣療宿冷  
去惡肉生好肌柔金銀可為鐸藥合他藥治  
目中翳不宜多服腐壞人腸胃

蓬砂

一名  
鵝砂

味苦辛氣溫無毒

消痰止嗽破癥結喉痺含化嚥津緩以取效  
亦用鐸金銀

砒霜

味苦酸有大毒

畏藜豆冷水醋入藥諸  
其殺毒用信州官井鑿

取者佳色黃  
赤明澈不燥

主諸瘡風痰在胃膈可作吐藥又能消肉積  
大損人不可輕服

磁石

味辛鹹氣寒無毒

紫胡為之使殺鐵毒  
惡牡丹莽草石脂

主周痺風濕肢節中痛不可持物洗洗酸瘡  
除大熱煩滿及耳聾目昏養腎臟強骨氣益  
精通關節消癰腫鼠瘻頸核唯痛小兒驚癇

鍊水飲之令人有子誤吞針取棗核大鑽竅  
線穿令吞之針自出

柔鐵

熟鐵也

味辛氣平有毒

諸鐵無正入丸散者惟煮汁用之

主堅肌耐痛

鐵落

味辛甘氣平無毒

燒鐵赤沸砧上打落細皮屑

主風熱惡瘡瘍疽瘡痂疥氣在皮膚中

鐵精

氣平微溫

煅寬中飛出如塵紫色輕虛者可磨塗銅器

主明目化銅療驚悸定心氣小兒風癇陰瘡

脫肛

鐵漿

取諸鐵於器中以水浸之經久色青沫出即堪染皂

主解諸毒入腹蛇犬虎狼惡虫等啗服之亦鎮心主癩癰發熱急黃狂走六畜癩狂

鐵華粉

味鹹氣平無毒

取銅鐵作葉平而磨錯光淨以鹽水洒之

於醋甕中陰燻埋之一百日鐵上永生則取之細研如麴和合諸藥為丸散

主安心神堅骨髓強志力除風邪養血氣延年變白去百病隨所冷熱和合諸藥用棗膏為丸

生鐵

氣微寒

主療下部及脫肛水煮汁洗之耳聾燒令赤投酒中飲之被打瘀血在骨節肋外不去取

一斤用酒三升煮取一升服之

鐵綉

生鐵上  
衣也

主惡瘡疥癬和油塗之蜘蛛蟲等咬和蒜磨  
傳之

秤錘

主賊風止產後血癥腹痛俗呼兒枕及喉痺  
熱塞並燒令赤投酒中熱飲之無錘用斧或  
杵又主婦人產難橫逆及胞衣不下

鎔墨

主蠱毒中惡血暈吐血以酒或水細研溫服

之亦塗金瘡生肌止血在面慎勿塗之墨入肉如節

赤銅屑 味苦氣平微毒

治腋臭以醋和炒熟如麥飯袋盛先刺腋下脉去血封之神效又熬極熟投酒中服五合日三主賊風又能鐸人骨細末和酒中溫服之

銅青

氣平微毒

生熟銅俱有青銅器上綠色是銅之精神也

治婦人血氣心痛合金瘡止血明目去膚赤息肉

自然銅

味辛氣平無毒

生於銅處方圓不定色青黃如銅煨用九

使勿用方金牙誤解吐錢人

療折傷散血止痛續筋骨破積聚以酒磨服  
治打撲損研極細水飛過同當歸沒藥各半  
錢酒調頓服仍磨傳痛處

古文錢

治腎瘴明目療風赤眼鹽溲浸用婦人橫逆  
產心腹痛月隔五淋燒以醋淬用眼暴赤痛  
取生薑一塊淨洗去皮古青錢刮取薑汁就  
錢稜上點熱淚出愈



鉛丹

君一味臣

味辛氣微寒

即今黃丹化鉛而成

主吐逆胃反驚癇癰疾除熱下氣除毒熱臍  
攣金瘡溢血治瘡及久積煎膏止痛生肌鍊  
化還成九光久服通神明經云澁可以去脫  
而固氣鉛丹收斂神氣以鎮驚也

粉錫

使即光粉也

味辛甘氣寒無毒

主伏尸毒螫殺三蟲去鼈癥瘰惡瘡墮胎止  
小便利炒黑治小兒疳氣久痢

伏龍肝

味辛氣溫

此竈中對釜月  
下年深黃土

主婦人崩中吐血止欬逆止血消癰腫毒氣

醋調傳或蒜和作泥妊娘時疫熱病令胎不  
墮水和塗臍乾即易又水調服之中風不語  
心煩恍惚手足不隨或腹中痛滿取五升搗  
末和冷水八升取汁盡服之

石灰

味辛氣溫有毒

用風  
化者

主疽瘍疥瘙熱氣惡瘡癩疾死肌墮眉殺痔  
蟲去黑子息肉五月五日採百草葉合石灰  
搗爲團風乾末以治金瘡生肌止血大效又  
臘月黃牛膽搜和却肉膽中當風掛百日研  
之更勝產後脫肛玉門不閉取一斗熬令黃

以水三斗投灰中澄清燒洗

碧石

使

味辛甘氣大熱有毒

棘針爲之使忌羊血惡驚尿虎掌細

辛畏水得火良火鍊服

主寒熱鼠瘻蝕瘡死肌風痺腹中堅癖邪氣破積聚痼冷去鼻中息肉不鍊服則殺人及

百獸

石蠐

味鹹氣寒無毒

即是生蠐年月久深水沫相著因化成石故有

泥石相著用須去其泥及石

主青盲目淫膚腎及丁腎滲瘡解一切藥毒并蠱毒消癰腫治天行熱疾並熱水磨服細

研水飛過火諸藥相佐用點眼良

石驚 氣涼無毒

主淋以水煮汁飲之婦人難產兩手各把一枚立驗

桃花石

味甘氣溫無毒

色似桃花光潤而體重舐之不著舌

主大腸中冷膿血痢久服令人肌悅能食

代赭

臣一味使

味苦甘氣寒無毒入手少陰經足厥

陰經

畏天雄附子赤紅青色如鷄冠有澤者良

主鬼疰賊風蠱毒殺精鬼惡鬼腹中毒邪氣

女子赤沃漏下帶下百病產難墮胎血痺血

癰小兒驚癇疳疾止瀉痢脫精尿血遺溺金

瘡長肉

青蒙石

細研為粉用

治食積不消留滯臟腑宿食癥塊久不差及

小兒食積羸瘦婦人積年食癥攻刺心腹得

硝砂巴豆大黃京三稜等良可作丸服

薑石

味鹹氣寒無毒

生土石間伏如薑有五種色白者良所在有之

以爛不  
珍者好

主熱豌豆瘡疔腫等毒大凡石類多主癰疽

花乳石

色正黃黃石中有淡白點以此得花之名或名花葉石大火煨用

主金瘡止血倉卒中金刀刮末傳之即合不  
作膿又療產婦血暈惡血出

礪石

即磨石

無毒

主破宿血下石淋除癥結伏鬼物惡氣燒赤  
熱投酒中飲之

不灰木

性大寒

如剉木燒之  
不燃石類也

主熱癰瘡和棗葉石灰爲粉傳身

漿水

味甘酸氣涼微溫無毒

粟米新熟白花  
者佳不可同李

實食

主調中引氣開胃止渴霍亂洩痢消宿食宜

作粥薄暮啜之解煩去睡

地漿 氣寒無毒

根地作坎以水沃其中攪令濁飲須取之

主解中諸毒煩悶山中毒菌又楓樹上菌食之令人笑不止欲此解之

半天河

氣微寒無毒

此竹籬頭水及空樹中者

主鬼疰狂邪氣惡毒與飲勿令知之又槐樹間者主諸風及惡瘡風瘙疥痒亦溫取洗瘡千里水及東流水 氣平無毒

盪滌邪穢快順疾速通關下膈煎煮湯藥禁呪鬼神又煉雲母用之爲雲母所畏

臘雪

味甘氣寒無毒

臘月取之

解一切毒治天行時氣溫疫小兒熱癇狂啼

大人丹石發動酒後暴熱黃疸仍小溫服之

秋露水

味甘氣平無毒

朝露未晞時拂取之

在百草頭者愈百疾止消渴澤肌肉栢葉上者主明目百花上者令人好顏色



本草集要中部卷之五